

Hitaveita Suðurnesja hf. - Ársreikningur 2007				
Ársreikningur Hitaveitu Suðurnesja hf. (HS hf.) var samþykktur á fundi stjórnar í dag, 12. febrúar 2008.				
Ársuppgjör Hitaveitu Suðurnesja er nú í fyrsta sinn byggt á alþjóðlegum reikningsskilastöðlum (IFRS). Við innleiðingu staðlanna hækkaði eigið fé félagsins um 1.201 millj. kr. í árslok 2006 frá því sem var skv. eldri reikningsskilareglum en nánar er fjallað er um áhrif af innleiðingu staðlanna hér á eftir. Samanburðarfjárhæðum vegna 2006 hefur verið breytt til samræmis við nýjar reikningsskilareglur.				
Helstu fjárhæðir úr ársreikningnum eru sem hér segir í þús. kr. (* Fjárhæðir árunna 2005 og 2004 eru í samræmi við fyrri reikningsskilaaðferðir.).				
Rekstrarreikningur	2007	2006	2005	2004
Rekstrartekjur	7.660.000	5.896.693	4.681.528	3.808.527
Rekstrargjöld án afskrifta	3.419.767	2.852.853	2.440.041	2.359.284
Rekstrarhagnaður fyrir afskriftir	4.240.233	3.043.840	2.241.487	1.449.243
Afskriftir	(1.285.351)	(991.367)	(670.016)	(645.749)
Rekstrarhagnaður fyrir fjármagnsliði	2.954.882	2.052.473	1.571.471	803.494
Fjármunatekjur og fjármagnsgjöld	1.329.736	10.912	4.381	76.463
Áhrif hlutdeildarféлага	(63.359)	(92.533)	0	0
Hagnaður fyrir tekjuskatt	4.221.259	1.970.852	1.575.852	879.957
Tekjuskattur	(741.186)	906.528	0	0
Hagnaður	3.480.073	2.877.380	1.575.852	879.957
Efnahagsreikningur	31.12.2007	31.12.2006	31.12.2005	31.12.2004
Fastafjármunir	34.882.045	29.978.378	22.700.041	16.017.483
Veltufjármunir	1.908.223	2.354.508	1.933.326	1.968.141
Eignir samtals	36.790.268	32.332.886	24.633.367	17.985.624
Eigið fé	19.976.138	16.896.065	13.771.251	12.525.399
Langtímaskuldir	13.386.066	13.518.268	8.122.073	3.153.838
Skammtímaskuldir	3.428.064	1.918.553	2.740.043	2.306.387
Skuldir og eigið fé samtals	36.790.268	32.332.886	24.633.367	17.985.624
Kennitölur				
Veltufjárhlutfall	0,56	1,23	0,71	0,85
Eiginfjárhlutfall	0,54	0,52	0,56	0,70
Hagnaður félagsins á árinu nam 3.480 millj. kr., en var árið áður 2.877 millj. kr.				
Samkvæmt rekstrarreikningi námu rekstrartekjur HS hf. á ársins 7.660 millj. kr., en þær voru 5.897 millj. kr. árið áður. Hækkun tekna er 30% eða 1.763 millj. kr. og stafar aðallega af raforkusölu til Norðuráls sem jókst um 587 millj. kr. og 626 millj. kr. eingreiðslu frá bandaríkjastjórn vegna uppsagnar hennar á samningi um kaup á orku til varnarliðsins.				
Rekstrargjöld án afskrifta námu 3.420 millj. kr., en voru 2.853 millj. kr. árið áður. Hækkun rekstrargjalda er vegna hækkana á kostnaði vegna framleiðslu, sölu og dreifingu á raforku.				

Hreinar fjármunatekjur voru 1.330 millj. kr. á árinu samanborið við 11 millj. kr. árið áður. Styrking íslensku krónunnar gagnvart erlendum gjaldmiðlum leiðir til 922 millj. kr. gengishagnaðar, en á árinu 2006 nam gengistap ársins 1.320 millj. kr. Vaxtagjöld lækka frá fyrra ári um 177 millj. kr. eða úr 633 millj. kr. í 426 millj. kr., einkum vegna vaxtaskiptasamnings sem gerður var í lok ársins 2006.				
Í samræmi við alþjóðlega reikningsskilastaðla sýnir félagið áhrif innbyggðra afleiðna í raforkusamningum sem það hefur gert. Tekjur af gangvirðisbreytingum innbyggðra afleiða félagsins námu 827 millj. kr. á árinu samanborið við 1.106 millj. kr. árið 2006.				
Samkvæmt efnahagsreikningi eru eignir HS hf. árslok 2007 bókfærðar á 36.790 millj. kr. Eignir hækkuðu um 4.457 millj. kr. frá ársbyrjun, aðallega vegna fjárfestinga félagsins í Reykjanesvirkjun og Orkuveri 6 í Svartsengi sem og breytingu á markaðsverði afleiðusamninga.				
Skuldir HS hf. nema 16.814 millj. kr. samkvæmt efnahagsreikningi, þar af eru skammtímaskuldir 3.428 millj. kr. Skuldir hafa hækkað um 1.377 millj. kr. milli ára. Hækkunin skýrist af lántökum félagsins vegna Orkuvers 6 í Svartsengi.				
Eigið fé HS hf. var 19.976 millj. kr. í árslok 2007. Eiginfjárlutfall var 54%. Í ársbyrjun var eigið fé 16.896 millj. kr. og eiginfjárlutfallið 52%.				
Horfur um rekstur Hitaveitu Suðurnesja eru góðar. Orkuver 6 í Svartsengi, sem er 30 MW, var gangsett fyrir árslok 2007 og munu tekjur af raforkusölu til stóriðju auka heildartekjur félagsins umtalsvert. Umsvif fara vaxandi og áfram verður unnið að uppbyggingu kerfa samfara aukningu byggðar á þjónustusvæði fyrirtækisins og aukinni orkuvinnslu. Unnið verður að rannsóknum á frekari virkjunarkostum og er verið að afla margvíslegra leyfa í því skyni. Stærstu einstöku verkefnin eru ný vatnslögn til Vestmannaeyja, rannsóknarboranir og annar undirbúningur fyrir nýjar virkjanir, aukin niðurdæling, verklok orkuvers 6 og uppbygging veitukerfa.				
Áhrif af innleiðingu alþjóðlegra reikningsskilastaðla (IFRS)				
Árshlutareikningur Hitaveitu Suðurnesja er nú í fyrsta skipti gerður samkvæmt alþjóðlegum reikningsskilastöðlum. Innleiðing þeirra leiðir til breytinga á mati eigna og skulda, svo og framsetningu á rekstrarreikning og efnahagsreikningi.				
Ársreikningur Hitaveitu Suðurnesja 2007 er gerður í samræmi við þær reikningsskilaaðferðir sem fjallað er um í skýringum með ársreikningi um reikningsskilaaðferðir. Þetta á einnig við um samanburðarfjárhæðir fyrir árið 2006 og opnunarefnahagsreikning 1. janúar 2006, þar sem breytingar taka gildi þann dag, sem einnig er nefndur innleiðingardagur. Fjárhæðum í opnunarefnahagsreikningi 1. janúar 2006 hefur verið breytt í samræmi við alþjóðlega reikningsskilastaðla, en voru áður birtar í samræmi við íslensk lög og reikningsskilavenjur. Heildaráhrif yfirfærslunnar í alþjóðlega reikningsskilastaðla á eigið fé félagsins er að það hækkar um 1.201 millj. kr. í árslok 2006.				
Helstu breytingar á mat eigna og skulda við innleiðingu á IFRS í árslok 2006:				
- Í samræmi við IAS 39 hefur félagið fært innbyggðar afleiður á gangvirði og leiddi það til hækkunar á eigin fé um 2.114 millj. kr.				
- Tengigjöld eru nú færð til tekna á 15 árum sem jafngildir meðal endingartíma flutningskerfis en voru áður tekjufærð þegar tenging átti sér stað. Þessi breyting lækkar bókfært eigið fé í árslok 2006 um 432 millj. kr.				
- Eignarhlutir í hlutdeildarfélögum eru færðir samkvæmt hlutdeildaraðferð í reikningsskilunum. Þessi breyting				

lækkar bókfært eigið fé um 127 millj. kr.				
- Við innleiðingu IFRS var aðferðum við eignfærslu á rannsóknarkostnaði breytt til samræmis við IAS 38.				
Þessi breyting hefur þau áhrif að eigið fé lækkar um 25 millj. kr.				
- Flokkun á þróunarkostnaði var breytt til samræmis við IAS 38. Þessi breyting hefur þau áhrif að rekstrar-				
fjármunir lækka um 921 millj. kr. og óefnislegar eignir hækka um 921 millj. kr.				
- Heildaráhrif vegna innleiðingar IFRS á tekjuskatt eru þau að eigið fé lækkar um 328 millj. kr.				
Nánari upplýsingar veitir Júlíus Jónsson, forstjóri Hitaveitu Suðurnesja hf., í síma 422 5200/860 5208.				